

重修廣平府志卷五十七

列女傳三

曲周

肥鄉

雞澤

國朝

曲周縣

岳含球妻杜氏

年十八于歸甫三日含球病歿父母欲令改適氏曰從一而終愚婦猶知矧兒

忝為宦家女耶涕泣以死誓堅貞守節歷年八十卒

畿輔通志參舊志

冀齊芳繼妻彭氏

年二十五夫亡遺二子俱在襁褓氏飲泣撫孤課以儒業長子鼎入庠次

子璋貢成均年八十七卒

同上

張名遙妻劉氏

年十九夫亡無子家貧甚斷髮自矢兄嫂亦先後亡遺子女各一氏撫之百計

經營饘粥與其及長婚嫁各因其時年七十三卒

同上

劉錡妻蕭氏 年二十五夫亡矢志守節歷四十年卒先

人相見黃泉無愧色四十年真節婦應
知青史有餘香 畿輔通志參曲周志

陳啟芳妻楊氏 矢志貞潔堅守不渝被鄰人李祥逼姦
不從致死康熙五十八年旌 同上

岳養仁妻趙氏 氏未于歸養仁病痿翁白於趙令改字
氏聞而泣曰一日之盟不渝金石况婚

姻之重乎若不獲已必死之父不能强卒歸養仁舉一
子而夫亡氏堅志守節孝事翁姑教子成立年四十有

二卒 畿輔通志 案曲
周志作舉二子未知孰是

王澤厚 或作澤廣誤今 繼妻楊氏 年十八夫亡守節撫
依王氏譜改正 前室子椅如己出恩

勤教誨為名諸生有學行凡夫
所未竟志勗椅成之 同上

王泗妻范氏 年二十餘夫亡姑老子幼操作經營以佐
甘旨越十數載娶婦生孫而子及媳相繼

亡孫亦殤子然獨處數十年志不
少淪學政錢陳羣表其門 同上

冀驊妻李氏

年十八夫亡無子孝翁姑撫嗣子成立孀居六十餘年學政錢陳羣表其門曰全貞

裕後

同上

王涵焯

縣志涵作焯誤

妻黃氏

年十九夫亡無子苦志堅守孀居六十餘年學政錢陳羣表其

門曰松齡柏

操 同上

路元升妻彭氏子斌媳楊氏

彭年二十五夫亡遺孤斌猶在襁褓撫之成立補博

士弟子娶媳楊氏斌又卒姑婦相依共守歷四十餘年彭以命婦例不旌表楊於乾隆五年旌 同上

張毓仁妻石氏

年二十一夫亡遺子甫五月姑年老夙夜勤苦養志撫孤孫辨達補博士弟子

問達領鄉薦年七十有八卒 同上

案曲周志遺子甫五月作五歲

王顯榮妻蘇氏子永揚媳暴氏

蘇年二十四夫亡遺子永揚撫之成立為娶媳

暴氏年二十一永揚亦亡姑媳孀居慈孝並

著蘇年七十有七暴年四十有二卒 同上

列女傳三

劉嵇妻王氏

年十九夫亡嘔血數升一慟幾絕堅志守節撫嗣子如己出乾隆四年旌 同上

楊芝瑞妻趙氏

年二十六夫亡守節至八十餘歲乾隆五年旌 畿輔通志縣志同 舊志作

二十五歲 夫亡誤

衛綽妻王氏

結褵六載夫亡遺二女俱幼矢志從死絕粒久之翁姑諭以大義乃止代盡子職足

不踰閩歷三十餘年乾隆五年旌 畿輔通志參舊志

王文明繼妻岳氏

精女紅性至孝于歸五載夫亡勺水不入口者數日前室子壩甫七齡撫

育教誨俾克成立舉孝廉人稱賢母 同上

孫開先妻霍氏

年二十二夫亡苦節至六十餘歲乾隆七年旌 舊志參曲周志

張擢妻雒氏

年二十四夫亡守節乾隆七年旌 同上

李翹材妻冀氏

年二十二夫亡苦節五十餘年乾隆七年旌 同上

張克纘妻李氏

年十七被丁五逼姦不從羞忿縊死乾隆七年旌 畿輔通志參舊志

高黑子妻岳氏

事翁姑克盡婦職夫病家貧藥餌莫給割股以進病為之愈 同上

閻秉公妻苗氏

于歸一載夫亡遺一子亦殤父母憐其少欲嫁之氏聞哭絕於地久之方甦誓

以死守苦節數十年卒 同 案縣志作于歸數載

吳昱妻路氏

年十九夫亡無子守節至五十三歲卒縣令表其門 舊志參曲周志

范邳隆妻王氏子佶媳李氏

王年二十九夫亡撫子佶讀書入庠娶媳李氏逾三

載佶亦亡李年二十三姑婦孀居同心苦守王年八十七李年四十有五卒 畿輔通志參舊志 案曲周志

王年作七十七

賈成龍妻申氏

年二十四夫亡孝事舅姑撫孤成立苦節四十餘年乾隆十二年旌 舊志參

曲周志

劉可達妻張氏

年二十三夫亡撫孤守節謹事舅姑矢志四十年不渝 同上

李元霖妻姚氏

年二十三夫亡父母憐其少謀嫁之媒約已成迎有日矣氏覘知之哭泣終夜

闔戶自縊死

畿

輔通志參曲周志

許某妻石氏

于歸未幾夫亡年十九舅姑謀嫁之逸鄰母喻意氏哭泣無一言已而竟受聘氏聞

驚怛不食娣妯環勸乃言笑更衣眾稍散肩戶盡焚褻服入夜自縊死 同上

劉思學

通志作思孝

妻薛氏

年二十七夫亡撫孤守節內外無倚歷四十年不渝卒教子游

泮曲

周志

李之用妻陳氏

年二十六夫亡舉遺腹子家貧紡績奉姑苦節三十二年卒 同上

李愨妻張氏

年二十七夫亡堅心守節至九十歲卒邑宰表其閭 同上

呂璽妻薛氏

年二十六夫亡家貧子幼紡績自給歷三十九年卒 同上

劉萬秉妻杜氏

年十九夫亡一子甫弱齡事翁姑能得歡心訓子成立茹苦飲冰歷五十餘年

卒乾隆四十五年旌

畿輔通志參曲周志

周偉妻張氏

夫亡以身殉節時嘉慶二年邑令陳表其門同上

柴從周妻岳氏

夫亡守節誓死靡他嘉慶二年旌曲周志

牛吉升妻張氏

年十九于歸越二載夫亡事姑孝立夫姪為嗣撫如己出堅貞勵節歷四十年

嘉慶二年旌

同上

顏鳴鶴妻岳氏

夫亡以節自守終身不渝嘉慶十五年旌同上

王清妻聶氏

夫亡守節歷久不渝嘉慶十八年旌同上

牛純仁妻顏氏

年二十七夫亡撫孤成立守節不渝至八十四歲卒嘉慶十八年旌同上

谷承謨妻高氏

夫亡矢志守節遺腹生子紹先仰事俯青諸艱備歷子長讀書入邑庠苦節至

嘉慶二年旌

同上

曲周

七十歲卒道光元年旌
織輔通志參曲周志

劉雲鳳妻李氏

夫亡矢志貞潔堅守不渝
道光四年旌 曲周志

軒從禮妻楊氏

夫亡家貧撫孤勤儉持家至九十五歲
卒道光八年旌 織輔通志參曲周志

武懷璧繼妻楊氏

年二十一夫亡從一自矢前室子甫
八歲恩勤教養如己出早卒遺孫三

與媳撫育成立延師教讀不絕書香
守節五十六年道光九年旌 同上

李騰雲妻趙氏

性端慤嫻女誠于歸後敬執婦道越數
年夫亡遺孤二俱幼曲盡孝慈課二子

讀書各成立苦節歷三十
年道光十五年旌 同上

李郁然妻侯氏

夫亡堅守貞節備歷艱辛
道光十五年旌 曲周志

楊義妻高氏

夫亡矢志不渝邑令以堅
節流芳表其門 同上

王重熙妻路氏

年二十五夫亡矢志守節不出戶庭親
族罕見其面歷八十三歲卒道光十六

年旌
同上

袁根深妻陳氏

于歸數載夫亡遺一女甫襁褓事姑盡孝撫夫姪守禮如己出長入太學苦守

至六十餘歲道光十六年

旌

畿輔通志參曲周志

霍可守妻冀氏

夫亡矢志靡他子士駟紹父業登武科苦節數十年道光二十三年旌 同上

李承祥妻張氏

夫亡守節撫孤習儒業子幼聰敏弱冠入庠道光二十四年旌 同上

袁獲麟妻安氏

年二十夫亡志甘貧苦守貞不渝至五十歲卒道光二十四年旌 曲周志

王士棟妻張氏

年二十一夫亡苦志守節撫嗣子如己出孫長春幼聰慧並使力學弱冠入庠

道光二十五年

旌 畿輔通志

宋某妻孟氏生員宋梅母

夫亡養姑教子播賢孝聲忽有病瘋者入門持刀徑犯其

姑氏冒刃以救被傷梅至痛甚氏日輟汝泣汝但讀書戚名吾可見汝父於地下矣次夕卒縣令以節勵丸熊

表其門
同上

宋文淵妻王氏

性和平孝事舅姑繼祖姑性嚴厲得癩疾起臥無常王委曲承順未幾夫歿子

幼祖姑每病必撫摩良久始安奉藥進糜夜輒不寢處之怡然訓子以義方尋入庠道光三十年旌 同上

王勲妻岳氏

德能履常才能濟變郡守旌其門曰節著安危 同上 陳震傳略岳孺人者曲周

王君篤生德配也王岳皆邑中甲族且世姻當是時王氏猶鼎盛孺人自降阼後粥粥若無能者其言呐呐然若不出諸其口家事一奉舅姑命惟謹外事亦皆惟夫子命是聽無攸遂無違言惟勉於織紝井曰及擗搗鹽豉諸瑣事而已無何家中落久之益甚王君遂逐什一以贍入口徙家臨清州依親串以居臨郡為商賈四達之衢去曲周百里而遙王君雖家臨清而往來於津門家事悉委諸孺人仍奉舅姑命其粥粥呐呐如故也乾隆甲午山東土匪王倫弄兵潢池聚黨數萬人北肆殺掠將據臨清為巢穴臨郡警報日數十至舉城鼎沸居民各鳥獸散鄰招與俱奔舅姑將從之孺人急止之曰緩之勿亟也賊將以臨清為巢穴必不剪戕居人以自

弱苟借衆而竄縱不死於鋒鏑必將死於擁擠矣既而
奔者芸芸或死於踐踏或擠於河流彌望相屬而王氏
一家得無恙旣以聽孺人言得瓦全卽思以處堂爲久
遠計矣孺人急趨之曰亟之勿緩也此時也 天兵將
南下賊思北抗不暇搜截逃逸此有可去之時先去之
已什七八今而潛逸不苦擁擠此有可去之勢失今不
去縱幸免於賊難幸免於兵矣於是扶老攜穉竭蹶出
城而河流限之孺人急出所蓄厚付舟人旣達西岸喜
賀舅姑曰今得生矣舅姑疑焉孺人曰此易明耳官軍
方壯賊不敢追戮奔竄也賊未大創官不遑盤查流亡
也且老穉踽踽數人敝衣蹇步無重貲厚藏小竊亦不
屑肆攘奪也可安步徐行以達曲周矣旣而皆如孺人
言王君在津門聞變亟歸入視其室室已闕無人將訪
於鄰又闕無人驚魂迷惘中妄臆或有天幸得安全達
曲周耶遂兼程至曲則父母妻子安居一室王君大喜
過望自是復家於曲周孺人仰事俯畜者且十餘年於
家事仍奉舅姑命於外事仍惟夫子命其粥粥訥訥一
如爲新婦時人或豔而問之輒曰此天幸也婦人何知
乎壽四十有七子
孫皆克世其家

王世臣繼妻郭氏

年二十九夫亡撫孤成立子婦孫婦俱早孀教以節義皆能繼美壽八十

一歲卒

同上

王吉人妻汪氏

年二十九夫亡守節孝事孀姑色養誠篤夫本螟蛉無子以姪為嗣年七十有

一卒

同上

王懋修妻張氏子作霖媳趙氏

張年二十三夫亡守志事翁姑能得歡心撫夫

幼弟恩義備至子作霖甫在襁褓撫育有方鬢年食餼於庠為授室尋卒繼妻趙氏性賢明孝事孀姑年二十七作霖歿姑又繼逝氏百計營葬兩喪如禮勤紡績以撫二遺孤教之讀書成立次子膺圖入郡庠書香不絕氏之力也 畿輔通志參採訪冊

王敬修妻宋氏

年二十夫亡祖姑郭氏姑汪氏嫂張氏俱以節著宋周旋其間徽音克嗣撫夫

姪成立食餼於庠 同上

曲經妻任氏 夫亡家貧守節矢志靡他 咸豐元年旌 曲周志

牛光斗妻袁氏 年二十三夫亡遺孤二常吉庶吉俱幼 翁姑在堂矢志守節家貧躬自操作艱

苦備嘗子長命從師受學庶吉領王子鄉薦孫炳垣補 博士弟子卒年六十有五咸豐六年旌 畿輔通志

案曲周志作 卒年六十八

王釨妻丁氏 年十七于歸未幾夫亡竭力事親撫夫姪 為嗣守節五十七年旌 畿輔通志參曲

周志

郭份妻張氏 夫早亡孝事翁姑克盡婦職 教子孫讀書以節終 同上

岳維垣妻劉氏 年十九夫亡守節立夫堂姪為嗣勸翁 納妾生子維城代姑撫養成立歷數十

年如一日咸豐 七年旌 同上

霍升階妻張氏 辛酉之亂夫與子死難張與子婦逃匿 賊搜出欲汚之張罵曰子良家女豈受

汝辱耶抽賊佩刀欲自剄賊怒
悉殺之鄉里稱其貞烈 同上

司景渭妻趙氏 夫亡守節歷數十年人無間言同治
五年學政龐鍾璐表其門 曲周志

王元泰妻柴氏 夫亡家貧誓死明志遺一子撫養成
立苦節至七十三歲卒 畿輔通志

宋際清妻王氏 早寡事姑撫子孝慈兼盡族黨不能婚
葬者慨助之年六十三歲卒 同上

劉善述妻胡氏 于歸二年夫亡遺一女事翁姑至孝及
歿傾家營葬歷六十歲以節終 同上

張芬妻吳氏 年二十五夫亡遺二孤俱幼時值歲歉茹
苦含辛不使二子廢學次子早世長子紹

良入邑庠年六十
有七卒 同上

冀天爵妻顏氏 夫亡無子夫姪清幼失恃撫如己出長
補弟子員持家嚴明內外肅然守節至

六十九歲
卒 同上

李文會妻缺氏 年十九夫亡遺一女未週歲夫兩弟俱
幼保抱提攜愈於己女守節至六十一

歲卒
同上

田博厚妻張氏

夫亡子女俱幼祖姑在堂供養不諉伯叔無何子復天零丁孤苦歷七十餘歲

卒
同上

袁天俊妻侯氏

夫亡家貧僅一女有勸他適者怒斥之苦守三十餘年 同上

崔紹宗妻李氏

夫亡遺孤僅四齡養姑撫子躬操井日守節三十餘年 曲周志

張杰然妻田氏

夫遠客不歸以鍼帚養親子四歲天撫姪若己出家赤貧紡績度日貞守至七

十餘歲卒
畿輔通志

張飛龍妻暴氏

早寡善事翁姑無子撫夫姪為嗣教養兼至守節至六十七歲卒 曲周志

李遇春妻秦氏

年二十一夫亡家貧無子女其兄勸改適誓死不從遂終身弗與見饗餼不給

晏如也守節歷三十年
畿輔通志 參曲周志

暴毓俊妻韓氏 年二十六夫亡姑性嚴急氏委曲承順卒得歡心子幼多病韓殷勤撫育苦節

歷三十餘年 同上

韋紱妻宋氏 夫亡無子事舅姑以孝聞茹苦食貧堅守至八十三歲卒 曲周志

劉萬福妻李氏 年二十三夫亡無子女孝事舅姑歷三十一年以節終 同上

成士俊繼妻張氏子憲媳楊氏 張早寡遺子憲甫三齡孝事舅姑前室遺一女

待如己出憲娶媳楊氏未幾憲卒姑媳同守張年六十九卒楊年五十七咸稱一門雙節 畿輔通志參曲周

縣志

任吉照妻常氏 夫亡家貧親老以紡績供甘旨教子得人邑庠守節四十餘年卒 同上

盧發春妻王氏 夫亡遺孤僅二齡事舅姑以孝聞親操井日撫子成立苦守三十年 曲周志

張文秀妻章氏 年二十三夫亡家貧無子舅姑老勤紡績供朝夕膳姑叔舅娶繼姑事之尤謹

繼姑卒遺幼弟章撫之成立婚數載夫婦並亡遺二孤氏保抱提攜辛苦備歷守節三十餘年 同上

暴承命妻田氏 子歸六載夫亡遺一女孝事孀姑養嗣子如己出貞節四十年不渝 同上

霍可久妻李氏弟可宗妻王氏姪士驥妾許氏 李年二

亡守節事繼姑孝撫嗣子士驥成立夫弟可宗妻王姪士驥妾許氏俱早寡矢志共守李卒年八十有八王卒年六十有八許卒年五十七人稱一門淑

德兩世冰操 畿輔通志參曲周志

龍進朝妻韓氏 夫亡家貧紡績養親茹苦自甘卒年八十有三 同上

楊德恭妻史氏 年二十四夫亡親老子幼家貧甚氏勤針黹以給守節至六十歲 同上

張信妻呂氏 夫亡子幼家貧事翁姑孝孫勤修補弟子員曾孫世卿亦相繼入泮至八十四歲卒

同上

張煥妻王氏弟煌妻胡氏 王年二十八夫亡子甫襁褓養親撫孤舅姑繼逝子亦夭